



Inatsisartuni ilaasortaq Kristian Jerimiassen, Siumut
Inatsisartut
/MAANI

Uummannap Upernaviullu eqqaanni sinerissap qanittuani qalerallinniarnermi tunisisarneq pillugu Naalakkersuisunut § 37 naapertorlugu apeqquteqaatip nr. 2011-152-p akineqarnera

18. aug 2011
Sagsnr. 2011-053980
Dok. Nr. 708132

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Inatsisartut suleriaasianni § 37 malillugu Uummannap Upernaviullu eqqaanni sinerissap qanittuani qalerallinniarnermi tunisisarneq pillugu apeqquteqarput. Apeqqutigineqartut uannut akisassanngorlugit ingerlateqqinneqarput.

Naalakkersuisunut apeqquteqaat 1

Nunatsinnit qalerallit 15.000 tons-it 2009-imi suliarinagit annissuutat suliffissaqartitsisussaagaluartut pillugit Naalakkersuisut pilersaaruteqarpat nunatsinni suliarineqartalernissaannik?

Apeqquteqaammut 1-imut akissuteqaat

Aallarniutigalugu § 37 naapertorlugu apeqqutigineqartoq nr. 229 2010-meersoq kiisalu § 37 naapertorlugu apeqqutigineqartoq nr. 93 2011-meersoq innersuussutigissavakka, taakkulu marluullutik qalerallinnik tunisisarnermut tunngassuteqarput. Taakkunani akissutigineqartuni takuneqarsinnaavoq suliffeqarfiit 23-t qalerallit arlaatigut iliorlugit avammut nioqqutissatut suliarisaraat.

Naalakkersuisunut apeqquteqaat 2

Suliniuteqartoqarpat qaqagu tamanna piviusunngussava?

Apeqquteqaammut 2-mut akissuteqaat

Aallaaviatigut ingerlatseqatigiiffiit ulluinnarni ingerlanneqarnerinut imaluunniit tassunga atatillugu aalisakkanik aalisartuneersunik qanoq isillutik tuniniaasarnerannut Naalakkersuisut akulerunneq ajorput.

Paarlattuanik Naalakkersuisut takorusuppaat kalaallini inuiaqatigiinni ullunut allanut naleqqiullugu annertuneroqisumik aalisakkanik suliaqartoqartarnissaa. Taamaakkaluartuq suliffeqarfiit ulluinnarni periusaannik nioqqutissiornerannilu allannngortitereqqussallugit Naalakkersuisut periarfissaqanngillat. Isumaqartuarpungali nioqqutissiornerup taamaattup allannngortiterneratigut aningaasarsiornermik akilersinnaassutsimillu pilersitsisoqassappat suliffeqarfiit namminneerlutik tamatumunnga nioqqutissiornermik tulluarsarsinnaagaat. Innersuussutigerusupparalu maani nunatsinni aalisakkanik tunisassiorfiit suli tunisassiornermik annertusissagaat. Taamalilluni tunisat nalittoriartornerat Kalaallit Nunaanni inuiaqatigiinnut iluaqutaaniassammaat.

Naalakkersuisunut apeqquteqaat 3

Uummannap eqqaani ukioq manna qaleralinnik tunisinissamut ullormut kg-lut qassit tunissaneraat aaliangersaasoqaramiuna?

Naalakkersuisunut apeqquteqaat 4

Ullormut tunissat aalajangersorneqarnerinut pissutaava uummannap eqqaani qaleralinnik sinniilluni aalisartoqannginissaa?

Apeqquteqaatinut 3 aamma 4-mut akissuteqaat

Ingerlatsivimmi Uummannami qaleralinnik tunisisarnermut atatillugu malittarisassanik nutaanik eqqussineq eqqarsaatigalugu nalunaarutigissavara Aalisarnermut, Piniarnermut Nunalerinermullu Naalakkersuisoqarfik tamatumunnga malittarisassanik eqqussisimangimmat. Suliffeqarfiit ataasiakkaat namminneerlutik aalajangissavaat qanoq ilinerani tunisinissamut ammassanerlutik. Taamaattorli Naalakkersuisoqarfik ukioq manna aallartittumik qaleralinnik aalisarnissamut ukiup sisamararterutaanut pisassiissutinik eqqussivoq. Ukiup sisamararterutaanut pisassiisarneq ilaatigut aalisapilunnissaq pinngitsoortinniarlugu aalisarnerlu ukioq naallugu ingerlanneqarsinnaaqqullugu eqqunneqarpoq. Ukiup sisamararterutaanut pisassiisarnerup eqqunneqarnera immini tunisinissamut piumasaqaatinut attuumassuteqaanngilaq.

Naalakkersuisunut apeqquteqaat 5

Upernaviup eqqaani umiarsuarmik tunitsivilinissamut ukioq manna qinnuteqartoqarpa?

Naalakkersuisunut apeqquteqaat 6

Naalakkersuisut ilisimatitsissutigisinnaavaat kikkullu qinnuteqarsimanersut?

Apeqquteqaatinut 5 aamma 6-imut akissuteqaat

Ukioq manna ingerlatsivimmi Upernavimmi angallammik tunitsivilinissap akuersissutigineqarnissaa pillugu qinnuteqaammik Naalakkersuisoqarfik tigusaqarpoq.

Uummannaq Seafood ukiup aallartinnerani ingerlatsivinni Upernavimmi Uummannamilu angallatip nioqqutissiorfiunngitsup qaleralinnik tunitsiviusinnaasup akuersissutigineqarnissaa pillugu qinnuteqarpoq. Unammillersinnaaneq eqqarsaatigalugu qinnuteqaat akueriniarlugu aalajangersimavunga.

Taamatuttaaq Arctic Green Food ingerlatsivinni taakkunani angallatip nioqqutissiorfiusussap akuersissutigineqarnissaanut qinnuteqarpoq itigartinneqarlunili, tassani qinnuteqarnerup nalaani tunitsivissat naammattutut nalilerakkit.

Taakku saniatigut ingerlatseqatigiiffiit arlallit ingerlatsivinni Uummannami Upernavimmilu angallatinik tunitsivinnik akuersissuteqartoqarnissaa pillugu qinnuteqarput. Taamaakkaluartoq qinnuteqartut tamarmik itigartinneqarput, tassa nammineerlunga allakkanni 8. juli 2011-meersumi aalajangigara imaattoq nalunaarutigigakku: “Naalakkersuisoqarfik 2011-ip sinnerani akuersissutinik tunniussinissamik pilersaaruteqanngikkallarpoq. Aalisarnermik inuussutissarsiteqartunut iluatsitsiviunngitsumik ineriartortoqassagaluarpat angallatinik tunitsivilinissap pisariaqartinneqarnera Naalakkersuisoqarfiup nutaamik nalilersinnaavaa, tassunga ilanngullugit angallatit assartuutissat.”

Naalakkersuisunut apeqquteqaat 7

Ukiut siuliini 2010 2009-imilu upernaviup eqqaani umiarsualiinissamut qaleralinnut tunitsivimmik qinnuteqartoqartarsimava?

Naalakkersuisunut apeqquteqaat 8

Qinnuteqartoqartarsimappat sooq upernaviup eqqaani umiarsualiinissamut itigartinneqartarpat?

Apeqquteqaatinut 7 aamma 8-mut akissuteqaat

Ingerlatsivimmi Upernavimmi 2009 aamma 2010-mi angallammik tunitsiviusinnaasumik akuersissuteqartoqarnissaa pillugu qinnuteqaatinik Naalakkersuisoqarfik tigusaqarsimavortaaq.

2009-mi 2010-milu arlalinnik piumasaqaatitalerlugu Aalisarnermut, Piniarnermut Nunalerinermullu Naalakkersuisoqarfik tunitsiviliiisoqarnissaanik akuersissummik ataatsimik tunniussaqqarpoq, tassani sumiiffiit aalajangersimasut iluanni sumiiffissat ilanngullugit, tassami taamaalinerani nalilersimagakku tamatumani tunisinermi akinut sulii unammillertoqarnissaanik pisariaqartitsisoqartoq.

Naalakkersuisunut apeqquteqaat 9

Uummannap eqqaani qaleralinnut tunitsivissamik umiarsualiinissamut ukioq manna pilersaaruteqartoqarpa?

Apeqquteqaammut 9-mut akissuteqaat

Apeqqutigineqartunut 5 aamma 6-imut akissuteqaatikka innersuussutigaaakka, taakkunani ilaatigut nalunaarutigineqarmat 2011-mi allanik tunitsiviliiisoqarnissaa pilersaarutaanngimmat.

Inussiarnersumik inuulluaqqusillunga

Ane Hansen